

Wie man einen Spiritum Auri & Lunæ  
Tartarisatum machen soll.

Gold vnd Silber läßt sich auch im geringsten mit Tartaro im nassen Weg nicht solviren / im truckenen aber mit Zuthun seines Helffers thut ers gern / gehört aber hieher nicht / so man aber ja einen Spiritum darauß machen will / so muß das Gold oder das Silber durch solviren vnd coaguliren in Crystallen gebracht seyn / vnd darnach mit reinem Tartaro vnd Wasser auffsolviret / so bekompt man vom Gold ein gelbe / vnd vom Silber ein weiße / auff grün geneigte solution, welche ad mellaginem gebracht / ganz sicherlich ohne Schew kan gebraucher werden. Die vom Gold laxiret / vnd hält einen offenen Leib / stärcket den Magen / Herz / Lungen vnd Leber / sampt andern principalen Gliedern kräftiglich / die vom Silber purgiret zimlich stark / nach deme sie geben wird / als ein ander Purgans / doch ohne Schaden vnd Gefahr / also / daß sie zu allen Kranckheiten da purgirens von nöthen ist / sicherlich von einem Scrupel ad unc. semis kan gebraucher werden / das Gold aber wird in fleinerer Dosi gebraucher / vnd were eben so wol dieser Saft von Gold / als von Silber eusserlich sehr heilsamb zu gebrauchen / weilen man aber solches durch geringere Metallen verrichten kan / so ist es nicht nöthig mit kostbaren zu thun. Die Spiritus aber / welche per